

οὐδεμίας δὲ ἔστιν οὐτε μάθησες οὐτὲ δῆπται. A iis quę ad aliud referuntur, & quod in aliis, idem est bonum ac cōmune omnibus. At qui nullius est facultatis, aut scientia, dicere de eo bono, quod in vnaquaque est. Ne scientia quidem igitur ciuilis est, dicere de communi bono. De bono igitur dīcendum est ac de optimo, quod est bonis op̄imum. Ceterū eum, qui velit quippiā demonstrare, minimē apertis non oportet exemplis vti, sed vbi obscura aperienda sunt, manifestis, ac in eis, quz sub intelligentiā cadunt, sensibilibus: ea siquidē sunt apertissima. Cūm igitur de bono dicere quippiā aggreditur, de idea neutiquā dīcendū est: & tamen quidā de idea dicendū existimant, vbi de bono dicunt. Alius nanque de maximē bono esse differendū. Est verò eiusmodi, ipsum quidq. maximē: ita bonū maximē fuerit idea ex iſorum quidē sententia. Huiusmodi certè oratio est illa quidē fortassis vera: verūm neutiquā ad ciuilē scientiā, vel facultatē facie, de qua in præsentia nobis est sermo. Non enim de hoc per se bono, sed bono nobis tractat. Nulla siquidē scientia, aut facultas de fine loquitur, quod sit bonū: & proinde, ne ciuilis quidem. Ideo non de bono, quod in idea cōsistit, loquitur. Verūm, dixerit fortasse, hoc per se bono vñs ceu principio, ducto inde exordio, de singulis postea dicam. Verūm ne id quidem recte. Sua. n. & propria cuiuslibet scientia sumenda sunt principia. Absurdū quippe fuerit volēti ostendere triangulū duobus rectis equalis habere angulos, sumere principiū eiusmodi. Anima immortalis est: neque enim hoc proposito cōuenit. Oportet siquidē principiū proprii esse ei rei qua de agatur, atq. coniunctū. Iam verò, etiā absque hoc quod anima sit immortalis, demōstra verit quippiā duobus rectis equalis habere triangulū. Itidē & de bonis licet cetera intelligere citra ideam boni. Proinde propriū nō est huius per se boni principiū. At ne Socrates quidē recte virtutes scientias faciebat. Is. n. nihil frustra esse arbitratus est. Tamen dum poneret virtutes esse scientias, ei cueniebat virtutes esse frustra. Quid ita? In scientiis namq. cōtingit ut vna eadēq. opera & scientiam cognoscamus quid qualisque sit, & ipsi docti euadamus, scientiāq. teneamus. verbi gratia, medicinā si quis nouit quid sit, is statim sit medicus necesse est. Idē est in reliquis scientiis. At in virtutib. nō idē est. Neq. enim si quis nouerit quid sit iustitia, cōtinuò etiā iustus est. Itidē & in aliis. Euenit igitur, & frustra virtutes esse, & nō esse scientias.